



Inatsisartunut ilaasortaq Kim Kielsen
Postbox 1060
3900 Nuuk

§ 36 naapertorlugu Kommuneqarfik Sermersooq-mi qamutit motorillit atorlugit piniartoqartarnera pillugu apeqqu

Asasara Kim Kielsen

Inatsisartut suleriaasianni § 36, imm. 1 naapertorlugu apeqquaqarputit Naalakkersuisut ilisimanageraat Kommuneqarfik Sermersooq-mi qamutit motorillit atorlugit piniartoqartarneranik aammalu qamutit motorillit piniarnermi atorneqartarnerini pissutsit piumasaqaatillu qanoq ittut Naalakkersuisut nungusaataangitsumik ingerlatsinertut isigineraat.

Aallarniutigalugu Naalakkersuisut kissaatigaat oqaatigissallugu, Naalakkersuisut asimi qamutit motorillit atorneqarnerisa ineriikkiartorerat annertuumik malinnaaffigimmassuk. Ullumikkut nalunaarutit marluk atuupput, taakkunanilu qamutitik motorilinnik asimi atuneq maleruagassatigut aqunneqarpoq.

Nalunaarutit taakku Uummannap Upernaviullu akornanni atuupput, aammalu Sisimiut eqqaanni, Kangerlussuarmi Maniitsumilu. Taakku saniatigut Ilulissat Kangerluani nunami "Nunarsuarmiut Kingornutagaat"-ni qamutit motorillit atorlugga atornissaat inerteqqutaavoq.

Nunap sinnerani qamutit motorillit atorlugit asimi angallannermi maleruagassaqaanngilaq, taamaattumik matumani aallaaviuvoq qamuteralaat atorlugit angalaneq inerteqqutaanngimmat.

Naalakkersuisut, aammattaq kommunit angisuut nutaat kissaatigaat nuna tamakkerlugu ullutsinnut pissutsinullu naleqqunnersusunut maleruagassaqaalernissaq, taamaattumillu Nunamut Namminermut, Pinngortitamut Avatangiisinullu Naalakkersuisoqarfiup 2009-mi aasaanerani nutaamik missingersuusiamik nalunaarusiorpoq, najukkami pissutsinut naleqqussagaasumik, taannalu Kalaallit Nunaat tamakkerlugu atuutissasoq.

Nalunaarusiatut missingersuut soqutigisaqaqatigiinnut kommuninullu ukiakkut 2009-mi tusarniaassutigineqarpoq, tamannalu kinguneqarpoq itinerusumik kommuninik oqaloqateqarnissamik. Naatsorsuutigineqarpoq nalunaarusiaq akuerineqassasoq, taamaalillunilu tullianik ukiuulerpat atortuulersinneqassalluni.

Nalunaarusiatut missingersuummi pineqarpoq Naalakkersuisut pinngortitami immikkut illersugassanik tikkuussinissaat uumasut piniagassat aqunneqarnissaat pillugit

8. marts 2010
Sagsnr. 2010-027310
Dok. Nr. 329109

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpan@gh.gl
www.nanoq.gl

soqutigisat, inuussutissarsiutigut soqutigisat, takornariaqarnermi soqutigisat allallu assigisaat, Naalackersuisullu ataatsimut isigalugu qamutit motorillit atorlugit ingerlaartoqannginnissaanik kissaataat.

Nunap immikkoortuata sinnerani asimi (illoqarfiup nunaqarfiullu avataani asimi) Kommuneruujussuit innuttatik tusarniaanikkut peqatigalugit namminneq tikkuussinermikkut aalajangissavaat nunap immikkoortuani aqqudit angallavigineqarsinnaasut. Najukkami aalajangersaanikkut najukkamilu angallaviusinnaasut pillugit aalajangersaanermi peqataatitsinikkut, Naalackersuisut naatsorsuutigilluinnarpaat najukkami innuttaasut nalunaarusiamut nutaamut tapersersuinissaat, eqqortumillu atuutsinneqarnissaa.

Ullumikkut Kommuneqarfik Sermersooq qamutinut motorilinnut angallannermi malittarisassaarpoq taamaallaat Nunap allanngutsaaliukkap eqqaani Kuussuarmi (Austmannadalen) atuuttumik. Kommuneqarfik Sermersuup nammineerluni eqqissimatitsinermut nalunaarummi aalajangersakkat eqqortumik atorneqarnermut nakkutigisaraa.

Kommuneqarfik Sermersuup nunataata sinnerani asimi maleruagassaqaanngilaq qamutit motorillit atorlugit angallanneq pillugu.

Naalackersuisut ilisimavaat, qamuteralaat atorlugit piniariartarfinnut piniariartarfinniillu angallatitut atorneqartarnerat. Malittarisassat qulaajarniarlugit inuussutissarsiutigalugu piniartartut arlallit Nunamut Namminermut, Pinngortitamut Avatangiisinullu Naalackersuisoqarfimmut saaffiginnittarput qulakkeerumallugu, Kommuneqarfik Sermersooq-mi asimi qamutinik motorilinnik angalaniartillutik malittarisassanik unioqutitsinnginnissartik siunertaralugu.

Piniartunut taakkununga erseqqissaatigineqarsimavoq qamutit motorillit atorlugit imeqarfiit aqqudigeqqusaanngimmata. Aammattaaq piniartunut kajumissaarutitut erseqqissaatigineqartarpoq asimi angalasoqartillugu nalunaarummi qamutit motorillit atorlugit angallannermi pineqarmata nunap qerismanissaa aputeqarnissaalu angalalinnginnermi piumasaqaataammata.

Qamutit motorillit piniarnermi atorneqartarnerinut Naalackersuisut nungusaataangitsumik ingerlatsinertut isiginninersut apeqquutigivat, tamatumunnga tunngatillugu Naalackersuisut saqqummiutissavaat Kalaallit Nunaanni pinngortitaq sunnertiasuummat, pingaaruteqarporlu pinngortitamik atuneq isumannaatsumik ingerlatissallugu, Kalaallit Nunaannilu pinngortitamik atuneq nungusaataangitsumik tunngaveqartumik ingerlanneqassamat.

Naalackersuisut kissaatigaat nalunaarusiap nutaap suliarinerani ilanngullugu qulakkeerneqassasoq nungusaataangitsumik ineriartortitsisoqassasoq qamutit motorillit atorlugit asimi angalasarnermi, tamatumanilu inooqatigiinnermi pisariaqartitat, avatangiisinilu aningaasarsiornikkullu pissutsit eqqarsaatigineqassasut.

Nunap ilusaata naasoqarfiillu innimiginissaat eqqarsaatigalugu, allanik asimi qamutit motorillit atorlugit angallannermi innimigisassaarpoq. Piniagassanik piujuaannartitsinissaq isigalugu, qamutit motorillit piniarnermi immikkut ittumik

akuersissuteqarnikkut atorneqartarput, piniarnermimi piniagassat immikkut pisassarititat piniakkanullu piffissarititaasut maleruagassaqaarmata, taakkulu aalajangersagaapput Piniarnermut, Aalisarnermut Nunalerinermullu Pisortaqaqfimmiit.

Ukiuni kingullerni tututassat killilerneqarsimanginneri immikkoortumi 1-imiit 7-imut kiisalu immikkoortumi 11-mi, tamanna imatut isigineqassaaq oqaluttuarisaanermi aatsaat taama tuttoqartiginera, annertuumillu navianaateqarsinnaavoq ukiorpassuunngitsummi qaangiuppata tuttoqassuseq ajalusoortarsinnaavoq, tuttummi amerlavallaanerisigut nerisassaaleqinerup kingunerisaanik tutut toqoralersinnaammata. Naggataatigut Naalackersuisut ilisimatitsissutigissavaat Tutut illersugaanerat pillugu Namminersornerullutik Oqartussat nalunaarutaat nr. 8, 8.februar 2001-imeersoq naapertorlugu qamutit motorillit atorlugit piniarneq inerteqqutaammat, qamutillu motorillit atorlugit angalanermi piniariartarfiliarneq nersutinillu angallassineq inerteqqutaangimmat.

Inussiarnersumik inuulluaqqusilluta

Anthon Frederiksen